



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Saxonia || Et || Metropolis || Alberti Crantzii || Historici
Doctiss. Sacrae || Theologiae & Iuris Canonici Doctoris ||
celeberrimi, ac Ecclesiae Ham-||burgensis quondam
Decani**

Krantz, Albert

Coloniae, 1574

Capvt XXII.

urn:nbn:de:hbz:466:1-11453

ma ducalibus incommoda inferebantur, praefectum eius cum viris sexaginta, sublimi de trabe iussit appendi. Hæc prima ducis insignis victoria, magnum illi nomen cum gloria comparauit. Franci tamen, ut sit, in suam retorquent laudem, quod Philippum de Ra-uensteen equitum praefectum, e suo cornu fugam coegerint inire.

CAPVT XXII.

Cum ageretur septuagesimus octauus post mille quadringentos, in oppido Hallis Magdeburgensis diocesis florēte, dū ciues vnū sentirent, misera illos discordia cepit, quæ pessundedit, promptissima ad euer-tendas vrbes causa: Nam proprietarij in salina, genus hominum per opulentiam iners, & superbum, contemp-sere conciuēs artifices: nec qui praeesse debuerant, ita publicis ut priuatis commodis inseruiērint. Contemptus & oppressio exasperauit multitudinem, ut intra mœnia grauis tumultuatio oriretur. Audiūere Misnenses prin-cipes, ex quibus Ernestus, Ernesti ducis Saxonia electo-ris filius, (archiepiscopus erat Magdeburgensis) vsi sunt prudenter occasione praestita, & urbem intus tumultu-antem cinxere exercitu, certi quod ab vna parte im-mitterentur. Facile etiam erat capi, quam nemo satis defenderat, arbitrantibus inuicem inter se & disiden-tibus, quod ab alterutra parte inuocati principes super-uenirent. Sed communitas ipsa æquioribus animis acce-pit venientes, quod parum habens, parum amitteret: sortem suam, si non meliorem, non posse multo fieri de-teriore: quod antè multis in vrbe seruasse tyrannis vi-debantur, nunc iustis subesse principibus ferrent equani-miter. Coniecti in vincula primores, argento & auro emunguntur: Multa quæ pridē habuissent in salina, sunt

archie-

archiepiscopo asscripta, seruata tamen sua cuiq; proprietate: Quæ verò publicis erant vsibus deputata, principatui non proueniunt: Ità, dum superbia præsidentes modum non ponunt, inueniunt qui frenum iniiceret naribus eorum. Conuiuari, tripudiare, somno longo sepeliri, omnis eius generis hominum fuit cura: Discite mortales esse vigilantes, modestiam colere, pauperes non temnere, consilia rebus adhibere, proprii ordinis metas intueri. Per idem tempus, cum Ropertus Colonienſis archiepiscopus, placitis conuentis apud Nussiam stare recusaret, dum clam ex partibus Rheni in Westphaliam fugere tentaret, capitis capituli iussu, ab Hermanno Lantgrauio Hassiæ, qui in obsidione Nussiam multa fecit inclusus, multa perpressus, ne iterum ecclesiam maioribus implicaret laboribus, asseruatus est diligenter. Sed ubi post non prosperata illi apud Nussiam bella accessit ea calamitas, ut in suo vinculis teneretur, ex ipso animi dolore morbum contraxit, & è vita migravit. Sufficitur illi Hermannus memoratus, qui duro tempore stetit pro ecclesia, princeps de illa, & de omnibus optimè meritis: qui vsq; hodiè tenet eandem.

CAPVT XXIII.

Albertus dux superioris Saxonie, marchio Misnæ, fratris filiam Katharinam, per Rostochium insigni agmine duxit, ibi nauigium inscendens, in Daniæ Iohanni regis filio nupturam. Multi cum eo fuere comites, aliquanti pontifices: Octingentis equis ingressus, auratis curribus puellam regiam regio more deduxit. In Copenhauen regia, regum nuptiæ sunt peractæ: Quibus principali ritu solemniter expletis, in Lubicam redierunt, auidi videre imperialem urbem. Placere cuncta Alberto principi: sed displicuit sub-

Kkk 4 terra-